

HOMO lat. ČOVJEK; HOMO grč. (homous) ISTI, JEDNAK, RAVNOPRAVAN

HOMO

LIST MINISTARSTVA ZA IZBEGLICE I RASJELENA LICA • REPUBLIKA SRPSKA • MAJ 2011 • WWW.VLADARS.NET



SOCIJALNO STANOVANJE

"KROV NAD GLAVOM"

I REINTEGRACIJA U ZAJEDNICU

- ŽIVOT DOSTOJAN ČOVJEKA

NA POLA PUTA

Istraživanje "Na pola puta – Izdvajanja vladinog sektora za nevladin sektor u Bosni i Hercegovini za 2010. godinu" je rezultat partnerske saradnje Fondacije za socijalno uključivanje u BiH i Centra za promociju civilnog društva, koje je finansijski podržao Fond otvoreno društvo i Švicarska agencija za razvoj i saradnju (SDC), kao i Američka agencija za međunarodni razvoj (USAID). Iz ove publikacije izdvajamo najznačajnije rezultate istraživanja.

– Od predstavnika nevladinog sektora u BiH se očekuje povećanje senzibilnosti za svaku socijalno isključenu osobu kao i da nevladin sektor poste-

peno preuzima dio odgovornosti za kreiranje i razvoj makro i mikro politike.

– Prethodne godine donose izvjesne varijacije u količini izdvajanja vladinih institucija za nevladin sektor u BiH (oko 107 miliona KM u 2007. godini i oko 118 miliona KM u 2008. godini, a 2010. godine oko 114 miliona KM).

NVO sektor svoju održivost može obezbijediti samo putem domaćih izvora kroz partnerstvo sa vladinim institucijama. Aktori i struktura partnerstva, kao i nivo na kome se formira, zavise od cilja i vrste aktivnosti koje to partnerstvo podrazumijeva. Horizontalno partnerstvo je partnerstvo na lokalnom

nivou – Opština, Centar za socijalni rad, NVO-i, korisnici. Vertikalno partnerstvo

je partnerstvo na nivou entiteta i države – Ekonomsko socijalna vijeća.

Kombinacija prethodno spomenuta dva smjera partnerstva mogu stvoriti preduslove za dva pristupa partnerstvu: bottom up (od nižeg ka višem nivou) pristup ili top down (od višeg ka nižem) pristup. Postavlja se pitanje koliko je pristup od višeg ka nižem efikasan i usklađen sa potrebama lokalne zajednice i stvarnim potrebama korisnika. Prilikom planiranja strategije i raspodjele sredstava potrebno je poznavati želje i potrebe stanovništva, posebno korisnika, a ovakav pristup upravo je od nižeg ka višem nivou. Građani ne bi trebalo da u doslovnom smislu ovise o državi, nego da djelovanjem i inicijativama kroz nevladin sektor podstaknu vlastiti razvoj i zadovoljavanje egzistencijalnih potreba. Ovakav način učešća građana i nevladinog sektora može osigurati prestanak pasivnog i početak aktivnog djelovanja građana i većeg dijela nevladinog sektora.

Ciljnu populaciju, za istraživanje, činile su institucije na nivou Bosne i Hercegovine, Federacije BiH, Republike Srpske i Vlade Brčko Distrikta. Ukupnu populaciju čine 303 vladine institucije. Od tog broja 295 vladinih institucija je dostavilo popunjenu anketu sa različitim



administrativnih nivoa. Putem ankete 66 institucija izjavilo je da nema nikakvih planiranih izdvajanja za nevladin sektor i nisu postojala izdvajanja u toku 2010. godine. Od entitetskih ministarstava koja


nemaju nikakvih izdvajanja, najviše ih potiče iz FBiH. Ukupan broj ministarstava koja ne izdvajaju sredstva u FBiH čak je dva puta veći u odnosu na Republiku Srpsku.

**Ukupna planirana izdvajanja institucija na nivou vlada BiH, FBiH, RS i BD BiH, 2010. godina
(apsolutne vrijednosti u KM i vrijednosti u procentima)**

Nivo vlade	Budžet za 2010.	Planirana sredstva u 2010.	Učešće planiranog budžeta u ukupnom budžetu vlada (%)
Vlada BiH	1.365.889.000,00	1.919.000,00	0,14
Vlada FBiH	1.747.272.490,00	5.769.278,90	0,33
Vlada RS	1.600.000.000,00	5.144.700,00	0,32
Vlada BD BiH	203.547.638,30	3.241.900,00	1,59

Od ukupno planiranog iznosa dodijeljenog nevladinom sektoru u 2010. godini, 34,3% je namijenjeno sportskim organizacijama, 16% boračko-invalidskim udruženjima i srodnim organizacijama, 21,5%

UG/NVO koje se fokusiraju na pružanje socijalnih usluga/socijalne zaštite građana i 28,2% ostalim tipovima UG/NVO-a.



Broj vladinih institucija uključenih u istraživanje

Stratum	Uzorak (odgovor)	Stopa odgovora (%)	Stratum	Uzorak (odgovor)	Stopa odgovora (%)
Ministarstva BiH	8 (8)	100,0	Bosansko-podrinjski kanton	7 (7)	100,0
Institucije Vlade BD BiH	5 (5)	100,0	Srednjobosanski kanton	9 (9)	100,0
Ministarstva i institucije FBiH	30 (27)	90,0	Herceg.-neretv. kanton	12 (11)	91,7
Ministarstva RS	16 (14)	87,5	Zapadnoherceg. kanton	8 (8)	100,0
Unsko-Sanski kanton	10 (10)	100,0	Kanton Sarajevo	12 (11)	91,7
Posavski kanton	10 (10)	100,0	Kanton 10	10 (10)	100,0
Tuzlanski kanton	12 (12)	100,0	Opštine FBiH	80 (80)	100,0
Zemljičko-dobojski kanton	11 (11)	100,0	Opštine RS	63 (62)	98,4